



ÅRSMELDING ÅR 2015

OPPLÆRINGSKONTORET

Opplæringskontoret for Nordhordland er ein medlemsorganisasjon for opplæringsverksemdar i Nordhordland. Kontorstad er plassert i Knarvik i Lindås kommune.

Hovudoppgåva til Opplæringskontoret er å koordinera og gjennomføra tiltak innan fagopplæring i samsvar med Opplæringslova. Sentrale samarbeidspartar utover medlemsverksemdene er bl.a.; Knarvik vidaregåande skule, Austrheim vidaregåande skule, Hordaland fylkeskommune hovudsakleg ved Fagopplæringskontoret og Opplæringsavdelinga, Nordhordland Handverk- og Industrilag (NHIL) og LO Nordhordland.

MEDLEMSBEDRIFTER:

Ved utgangen av år 2015 hadde Opplæringskontoret 94 medlemsverksemdar.

Nye medlemmar i 2015 er: Oster Pukk og Sand AS, Svein Litleskare Maskinstasjon AS, Lerøy skog AS, Høyland Auto AS, Henrik Helgesen eftf. AS, KG elektro AS, Skodvin Montessoriskule, GP bygg & betong AS, Solhaugen Barnehage SA, Mollyme ENK og Waage Bygg AS. Ajourført medlemsliste ligg ved årsmeldinga.

STYRET:

Styret for Opplæringskontoret i Nordhordland er samansett i tråd med gjeldande vedtekter og består av 3 representantar frå medlemsbedriftene, ein representant frå vidaregåande skule, ein representant frå NHIL og ein representant frå LO Nordhordland. I 2015 var styret samansatt som følgjer:

Styremedlemmar:

Nils Arne Træland (Lindås VVS Nils Træland) Styreleiar

Konrad Risnes (Risnes Elektro) nestleiar

May Eva Sandvik (Lindås kommune)

Bente Lorentzen (NHIL)

Kjersti Haugland, Rektor på Austrheim vidaregåande skule

Silje Nilsen, Leiar i LO Nordhordland

Personleg vararepresentantar :

Terje Seim (Seim Bygg AS) vara for Nils Arne Træland
Eirik Eknes (Eknes karosseri), vara for Konrad Risnes
Kathrine Straumøy Brakstad (Meland kommune), vara for May Eva Sandvik
Rektor v. Knarvik vgs, vara for Kjersti Haugland
Britt Inger Myhr (nestleiar LO Nordhordland), vara for Silje Nilsen
Eva Karin Klausen (NHIL), vara for Bente Lorentzen

I valnemnda sit: Geir Kleppe (Nordhordland elektro), Wenche Myrmel (Austrheim kommune) og Vidar Aasgård (Mundal Subsea).

ØKONOMI/FORTSATT DRIFT:

Årsrekneskapen syner ei oversikt over utvikling og resultat for verksemda ved årsskiftet. Totalt har Opplæringskontoret eit overskott på kr. 5.412.076 i 2015, noko høgare enn budsjettert. Styret tilrår å setja av kr. 5 mill til utbetaling til bedriftene. Resterande overskott pålydande kr. 412.076 vil me tilrå avsett som utviklingsmidlar til Opplæringskontoret. Organisasjonen har vore gjennom ein periode med stor vekst. Så no er det tid for å ta eit kritisk blikk på den interne organiseringa, og gjera gode tilpassingsgrep. Dette for å gjera organisasjonen betre rusta til å møte framtidens utfordringar. Ved oppsett av årsrekneskapen føreset styret vidare drift. Og stadfestar med underskrift at dei ikkje kjenner til andre tilhøve som kan påverka resultatet.

AKTIVITET ÅR 2015:

Styremøte:

Det har vore gjennomført seks styremøte i 2015. Styret har handtert 37 saker, som i all hovudsak dreiar seg om; drift, økonomistyring, planar og utvikling.

Personale:

I 2015 har kontoret vor gjennom store utskiftingar på personellsida. Dagleg leiar og lærlingekoordinator har stått for stabiliteten gjennom året. Kontor/prosjekt-tilsett i 80% stilling, valgte å sei opp arbeidsforholdet, og avslutta ved utgangen av juni. Opplæringskontoret tilsette lærling i kontor og administrasjonsfaget frå August. For å ha kapasitet til å gje lærlingen god oppfølging i starten, og slutføra fylkesprosjektet «Saman om fagopplæring i Nordhordland». Valgte å tilsetja ein vikar i 50% stilling frå sept. 15. – juni 16. Ei lærlingestilling, blir normalt definert som ½ årsverk (snitt opplæring/verdiskaping), så med denne berekninga, ligg me på ei bemanning på ca. 3 årsverk ved Opplæringskontoret i 2015.

Likestilling:

Opplæringskontoret har ein medviten haldning til likestilling, og ynskjer å bidra til god kjønnsbalanse. Men for 2015, endar me opp med ei overvekt av kvinner, med 4 av 6 kvinnelege styrerepresentantar etter årsmøte, og berre kvinnelege tilsette. I den grad me kan påverka dette, vil me arbeida for ein betre kjønnsbalanse.

Arbeidsmiljø:

Opplæringskontoret fører oversikt over sjukefråvær i samsvar med gjeldande lovar og forskrifter. Og har i 2015 hatt eit unormalt høgt sjukefråvær på heile 5,8 %. Det er ikkje registrert ulykker eller skadar i 2015.

Aktiviteten i opplæringskontoret har liten innverknad på det ytre miljøet. Og me legg stor vekt på å overhalda gjeldande lovar og reglar på alle område.

Lærlingar:

Opplæringskontoret for Nordhordland hadde registrert 185 aktive lærlingar og lære kandidatatar ved utgangen av 2015. Det vart tatt inn 64 nye lærlingar i løpet av året, og 39 lærlingar har fått fagbrevet i løpet av året. Av desse har; 12 oppnådd fagbrev med resultat Bestått Mykje Godt og 27 med Bestått. Altså har 30% av våre nye fagarbeidarar blitt vurdert av prøvenemnda til å ha utmerka fagkompetanse. Eit resultat som alle involverte har grunn til å vera stolt av.

Prosjekt:

Prosjektet; Saman om fagopplæring, er eit tre-årig prosjekt, som starta i april 2013 og skal avsluttast med sluttrapport våren 2016.

Prosjektet har som mål å få fleire fagarbeidarar i Nordhordland. Me har i prosjektet hatt fokus på og oppnådd resultat på fylgjande område:

- Auka talet på læreplassar. Resultat i prosjektperioden er så langt ein auke på 57 læreplassar
- Auka talet på medlemsbedrifter. Resultat i prosjektperioden så langt er 26 nye medlemsbedrifter
- Praksiskandidatar. Me har registrert 36 nye fagarbeidarar gjennom praksiskandidatordninga. Samla har me registrert 99 praksiskandidatar, som er registrert og har fått rettleiing om korleis dei kan bli fagarbeidarar (teori og praksis).

Eigne arrangement:

- **30.01.2015: Svennegilde m. fagbrevutdeling**

Markeringa vart halde på Alver Hotell. 41 nyutdanna fagarbeidarar var invitert til å motta fagbrevet. Representantar frå bedriftene var sjølv sagt også invitert, og arrangementet vart avvikla med stil, og dei nyutdanna fagarbeidarane vart gjort stas på.

- **24.03.2015: Årsmøte**

Årsmøtet vart halde i Galteråsen 4 i møtelokalet hjå H.Sandvik. Med 9 deltakarar til stades. Årsmøte tok for seg ordinære årsmøtesaker.

- **Fagsamlingar**

I 2015 har me arrangert 4 slike fagsamlingar.

Fagsamling i Elektrikarfaget 06.05.2015. Med fokus på kvalitetssikring av opplæringa, erfaringsutveksling, teoriundervisninga m.m.

Fagsamling i Helsefag og BU-faget 07.05.2015. Med fokus på opplæringsplanane, skriftlege oppgåver, fagprøven m.m.

Fagsamling i Røyrleggjarfaget 13.05.2015. Med fokus på teoriundervisninga, og vidareutvikling av opplæringa etter omlegginga hjå NRL.

Fagsamling i industrimekanikar- og Industrimontør-faget 02.12.2015. På denne samlinga hadde me prøvenemnda i Industrimekanikar- og industrimontør-faget med oss. Dei orienterte om fagprøven; erfaringar, praktisk gjennomføring, vurderingskriterier og gav døme på kva ein prøve kunne omfatta.m.m.

- **06.10.2015: Introduksjonssamling for nye lærlingar**

Me inviterer årleg alle nye lærlingar til introduksjonssamling, der me tar for oss fylgjande tema; Generell informasjon, ansvarsfordeling, rettar, plikter og bruk av lærepermen
Arrangementet vart halde på Knarvik vidaregåande skule, med 40 frammøtte lærlingar.

- **25.-26.11.2015: Yrkes og Utdanningsmesse i Nordhordland**

Opplæringskontoret var også i 2015 medarrangør på Yrkes- og utdanningsmessa som tradisjonen tru vart halde i Nordhordlandshallen.

Me hadde også ein felles annonse i utdanningsavisa (bilag i Strilen), som vart gitt ut i tilknytning til utdanningsmessa.

Andre oppgåver:

- Me har rutinar for hjamlege oppfølgingsmøter med lærlingane og bedriftene. Og har gjennomført omlag 400 evaluerings- og oppfølgings-møter gjennom året.
- Ordna med formelle godkjenningar (godkjenning av bedrifter, lærekontrakter, oppmeldingar , endringar osv.)
- Bestilt teori og ordna med aktuelle oppmeldingar til teori-eksamen
- Rettleia 69 praksiskandidatar
- Vitja potensielle medlemsbedrifter og orientert om Opplæringskontoret og lærlingeordninga.
- Vitja samtlege yrkesfaglege vg1 og vg2 klassar i regionen og orientert om lærlingeordninga.
- Synleggjort Opplæringskontoret, og våre medlemmsbedrifter, gjennom annonsar og redaksjonell omtale. Me har totalt hatt 8 oppslag med redaksjonell omtale og to annonsekampanjar; med ledige lære plassar i februar 2015 og synleggjering av opplæringsbedriftene i utdanningsavisa i november 2015.

KNARVIK 15.03.2016


NILS ARNE TRÆLAND
Styreleiar



SILJE NILSEN
styremedlem

KONRÅD RISNES
nestleiar


BENTE LORENTZEN
styremedlem


KJERSTI HAUGLAND
styremedlem


METTE MAREI TRÆLAND
styremedlem


LILLIAN V. MONGSTAD
dagleg leiar